

Powšitkowne WOZJEWJENJA

njedźelu, 29. meje 2016

Spěwy za žiwjenski puć

Spěwotwórča Stefanie Schwab z Würzburga spěwa tutu njedźelu, 29. meje, w 19 hodź. w Chróšćanskej putniskej hospodze. „Po puću“ – tak rěka jeje program – a to woznamjenja, zo spěwa wo wyšinach a nižinach žiwjenskeho puća, při čimž so sama na klawěrje, akordeonje abo gitarje přewodža. Jeje teksty su poetiske – raz ćiche, raz rozžahle, poľne žadosćow a často tež humora. Z nimi chce 52lětna křesćanka čłowjekam tež nowu zmužitosc dać.

Wulět samostejacych do Lipska

Samostejacy ze serbskich wosadow změja wutoru, 14. junija, swój lětuši zhromadny wulět z busom, kotryž powjedže do Lipska. Zajimcy njech so hač do pónđzele, 6. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

Nyšpor při pomniku swjateju Cyrila a Metoda

Towarstwo Cyrila a Metoda přeprašuje wšitke swójby, młodych kaž staršich ludźi, zo bychu so po putniskim puću pěši, z kolesom abo awtom njedźelu, 12. junija, k pomnikeju swjateju Cyrila a Metoda pola Stróžišća podali. W 16 hodź. budže tam nyšpor. Přizamknje so wěcywustojne předstajenje krajiny dokoławokoło. Mały přikusk budže sprihotowany.

Ministrantska kopańca

Na koparski turněr su ministranća ze serbskich wosadow přeprašeni. Tutón wotměje so sobotu, 18. junija, w Pěskecach. Započatk budže w 9.00 hodź. z Božej mšu we wjesnej cyrkwiće.

Projektowy chór na putnikowanju džěci

Na lětušim putnikowanju džěci Drježdžansko-Mišnjanskeho biskopstwa srjedu, 29. junija, do Róžanta wobrubu mjez druhim projektowy chór serbskich džěci Božu mšu. Zajimowane džěci su wutrobnje přeprašene sobu spěwać. Nadrobnije informacije su na plakatach we wosadach podate.

Za putnikowanje do Krupki so přizjewić

Młodostni wot 16 lět su přeprašeni, wot njedźele, 3. julija, do Krupki putnikować. Woni nawróca so pjatk, 8. julija. Přizjewić měli so zajimcy hač do pjatka, 3. junija, w Chróšćicach na farje, telefonowe čisło (03 57 96) 80 400. Po tym so přizjewjenja hižo njeprějimuja. Putnicy zetkaja so njedźelu, 5. junija, po nyšporje w Chróšćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.

Młodžinske džiwadlo hraje w Chróšćicach

Posledni raz předstaji Młodžinske džiwadlo Serbskeho gymnazija při Němsko-Serbskim ludowym džiwadle pjatk, 3. junija, w Chróšćicach swoju inscenaciju „CRUX abo Zbóžnik pod łožom“. Hra započnje so w 20 hodź. na Krawčikec žurli.

Duchowna hudźba

Mišterske synagogalne twórby zanjese Lipšćanski synagogalny chór njedźelu, 5. junija, we 18.00 hodź. w rjedže Duchowna hudźba w Budyskej tachantskej cyrkwi. Wšitcy su wutrobnje přeprošeni. Zastup je darmotny.

Jubilejny koncert zhromadženych chórow z Hornjeje, srjedźneje a Delnjeje Łužicy

Składnostnje 25. róčnicy znowazaloženja Zwjazka serbskich spěwarskich towarstwow z.t. (ZSST) wuhotuja chóry z Hornjeje, srjedźneje a Delnjeje Łužicy njedźelu, 5. junija, w 17 hodź. jubilejny koncert w Budyskim Němsko-Serbskim ludowym dźiwadle. Něhdže 200 spěwarkow a spěwarjow zanjese w swoim programje sep najrjeńšich serbskich spěwow, kotrež zaklinča w tradicionelnym, ale tež w tróšku modernišim šaće. Cyłkowny nawod změje předsyda ZSST Pětr Cyž. Na koncerće zaklinči přeni raz nowy medley z jeho pjera. Předsydstwo ZSST wšitkich lubowarjow chóroweho spěwa wutrobnje přeprošuje. Hižo džeń do toho, sobotu, 4. junija, we 18 hodź. poskići so jubilejny koncert w cyrkwi swjateho Mikławša w Choćebuzu.

Kolesujo putnikować

K putniskemu tydženjej na kole přeprošuje Smochčanski Dom biskopa Bena wot 7. do 14. awgusta. Hornja Łužica ma mnohe rozdźělne kolesowarske puće, kotrež chcedža w tych dnjach nazhonić. Po puću su putnicy k rozmołwam, rozpominanju, čitanju a dalšemu přeprošeni. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Etapy su wob džeń něhdže 40 do 50 kilometrow dołhe. Zajimcy měli so w Smochćicach pod telefonowym čisłom (03 59 35) 2 23 15 přizjewić.